

儀

禮

開化圖書館

Kaishwa Library

五

開化圖書館

Kaifu Library

開化圖書館

Kaichua library

開化圖書館

Kaichua library



儀禮卷第十四

士虞禮第十四

鄭氏注

士虞禮特豕饋食饋猶歸也側亨于廟門外之右

東面側亨亨一胖也亨於爨用鑊不於門東未可以吉也是日也以虞易奠祔而以

吉祭易喪祭鬼神所魚腊爨亞之北上爨

爨在東壁西面炊黍稷曰餗餗北上上上齊於屋宇於虞有亨餗之爨彌吉

設洗于西階西南水在洗西篚在東反吉也亦當西

榮南北尊于室中北墉下當戶兩甒醴酒酒

在東無禁冢用絺布加勺南枋

酒在東上醴也絺布葛屬

素几葦席在西序下

有几始鬼神也

苴刲茅長五寸

束之實于筐饌于西坵上

苴猶藉也

饌兩豆菹醢

于西楹之東醢在西一鉶亞之

醢在西南面取之得左取

菹右取醢

從獻豆兩亞之四邊亞之北上

從豆

主人獻祝籩從主婦獻尸祝

饌黍稷二敦于

階間西上藉用葦席

藉猶薦也古文藉為席

匱水錯于

槃中南流在西階之南簞巾在其東

流西吐水口也

陳三鼎于門外之右北面上設局鼎門外

門西也今上俎在西墊之西不饌於墊上統

文局為鉞者是室南鄉羞燔俎在內西墊上南順南順於南

之便也肝俎在燔東主人及兄弟如葬服賓執事者如

弔服皆即位于門外如朝夕臨位婦人及內

兄弟服即位于堂亦如之葬服者既夕曰丈

執事者賓客祝免澡葛經帶布席于室中東

來執事也面右几降出及宗人即位于門西東面南上

祝亦執事免者祭祀之禮祝所親也澡治也

治葛以為首經及帶接神宜變也然則士之

屬官為其長弔服加麻矣至於既卒宗人告

哭主人變服則除右几於席近南也

有司具遂請拜賓如臨入門哭婦人哭臨朝夕哭

主人即位于堂眾主人及兄弟賓即位于西

方如反哭位既夕日乃反哭入門升自西階東面眾主人堂下東面北上此

則異於朝夕祝入門左北面不與執事同位接神尊也宗人西

階前北面當詔主人及賓之事祝盥升取苴降洗之升

入設于几東席上東縮降洗解升止哭縮從也古

文縮主人倚杖入祝從在左西面主人北旋倚杖西亭

乃入喪服小記曰虞杖不入於室祔杖不升於堂然則練杖不入於門明矣贊薦

菹醢醢在北主婦不薦衰斬之服不執事也

弟大功以下者佐食及執事盥出舉長在左舉舉鼎也長在

左西方位也凡鼎入設于西階前東面北上事宗人詔之

匕俎從設左人抽扃鼎匕佐食及右人載載

於俎佐食載則亦在右矣卒杜者逆退復位今文扃為鉉古文鼎為密

復賓俎入設于豆東魚亞之腊特亞次也今文無之

贊設二敦于俎南黍其東稷籩實尊設一鉶

于豆南鉶菜佐食出立于戶西饌已也今文

贊者徹鼎反于門外祝酌醴命佐食啓會佐食許

諾啓會卻于敦南復位會合也謂敦蓋也復

啓為祝奠解于鉶南復位主人再拜稽首復

復主人祝饗命佐食祭饗告神饗此祭祭于

之左哀子某哀顯相夙興夜處不寧下至適爾皇祖某甫尚饗是也佐食許諾鉤

袒取黍稷祭于苴三取膚祭祭如初祝取奠

解祭亦如之不盡益反奠之主人再拜稽首

鉤袒如今擗衣也苴所以藉祭也孝子始將

納尸以事其親為神疑於其位設苴以定之

耳或曰苴主道也則特牲

少牢當有主象而無何乎祝祝卒主人拜如

初哭出復位祝祝者釋祝迎尸一人衰經奉

筐哭從尸尸主也孝子之祭不見親之形象

人兄弟檀弓曰既封尸入門丈夫踊婦人踊

主人贈而祝宿虞尸

踊不同文者有先後也尸入主淳尸盥宗人

人不降者喪事主哀不主敬

授巾淳沃也沃尸盥尸及階祝延尸延進也

者賓執事者也

升尸升宗人詔踊如初凡言詔踊如初則凡踊宗人詔之尸入

尸踊如初哭止哭止尊尸婦人入于房辟執事者主人

及祝拜安尸尸拜遂坐安安坐也從者錯篚于尸

左席上立于其北北北席也尸取奠左執之取菹

孺于醢祭于豆間祝命佐食墮祭下祭曰墮墮之猶言

墮下也周禮曰既祭則藏其墮謂此也今文墮為綴特牲少牢或為羞失古正矣齊魯之間謂祭為墮佐食取黍稷肺祭授尸尸祭之祭奠

祝祝主人拜如初尸嘗醴奠之如初亦祝祝卒乃再拜稽

祝祝主人拜如初尸嘗醴奠之如初亦祝祝卒乃再拜稽

首 佐食舉肺脊授尸尸受振祭嚌之左手執

之右手將有事也尸食祝命佐食邇敦佐食

舉黍錯于席上邇近也尸祭鉶嘗鉶右手也少

祭羊鉶遂以祭祭羊鉶嘗羊鉶黍羹湑自門入設于鉶南戠

四豆設于左博異味也湑肉尸飯播餘于筐

不反餘也古者飯用手吉三飯佐食舉幹尸

受振祭嚌之實于筐飯間啗肉又三飯舉脰

祭如初佐食舉魚腊實于筐尸不受魚腊又

三飯舉肩祭如初後舉肩者舉魚腊俎俎釋

三个釋猶遺也遺之者君子不盡人之歡不竭人之忠个猶枚也今俗或名枚曰個

音相近此腊亦尸卒食佐食受肺脊實于筐七體如其牲也

反黍如初設九飯而已士禮也主人洗廢猶吉祭之有所俎

爵酌酒酌尸拜受爵主人北面荅拜尸祭

酒嘗之爵無足曰廢爵酌安食也主人北面以酌酢變吉也凡異者皆變吉古文

酌酌作實長以肝從實于俎縮右鹽縮從也從實肝炙於

俎也喪祭進祗右鹽於俎近北便尸尸左執取之也縮執俎言右鹽則肝鹽併也

爵右取肝擣鹽振祭濟之加于俎賓降反俎

于西塾復位取肝右手也加于俎從其味尸卒

爵祝受不相爵主人拜尸荅拜不相爵喪祭於禮略相爵

者特牲曰送祝酌授尸尸以醋主人主人拜

受爵尸荅拜醋主人坐祭卒爵拜尸荅拜筵

祝南面祝接神尊也筵用萑席主人獻祝祝拜坐受爵

主人荅拜獻祝因反薦菹醢設俎祝左執爵

祭薦奠爵興取肺坐祭濟之興加于俎祭酒

嘗之肝從祝取肝搗鹽振祭齊之加于俎卒

爵拜主人荅拜今文無搗鹽祝坐授主人主人酌

獻佐食佐食北面拜坐受爵主人荅拜佐食

祭酒卒爵拜主人荅拜受爵出實于篚升堂

復位篚在庭不復入事已也主婦洗足爵于

房中酌亞獻尸如主人儀爵有足輕者飾也昏禮曰內洗在北

堂直室自反兩邊棗栗設于會南棗在西尚

東隅尸祭籩祭酒如初賓以燔從如初尸祭燔

14

卒爵如初酌獻祝邊燔從獻佐食皆如初以

虛爵入于房初主人儀賓長洗總爵三獻燔從如

初儀總爵口足之間婦人復位復堂上西面

出當哭踊祝出戶西面告利成主人哭西面告告

猶養也成畢也言養禮畢皆哭丈夫婦人於

矣祝入尸謾起也祝入而無事尸則知起

古文謾從者奉篚哭如初初哭祝前尸出戶

踊如初降堂踊如初出門亦如之前道也如

入降如升三者祝反入徹設于西北隅如其

設也凡在南扉用席改設饌者不知鬼神之節改設之庶幾歆饗所

以為厭飫也凡在南變古文明東面不南祝

薦席徹入于房祝自執其俎出徹薦席者執事者祝薦席

則初自房來贊闔牖戶鬼神尚居幽闇或者主人

降賓出宗人詔主人降主人出門哭止皆復

位門外未宗人告事畢賓出主人送拜稽顙

送拜者明于大門外也賓執事者皆去即徹室中之饌者兄弟也記虞沐浴

不櫛沐浴者將祭自潔清不櫛未在於飾也

日沐唯三年之喪不櫛期以下櫛可也陳牲于廟門外北首西上寢右言牲腊在其中

西上變吉寢右者當升左胖也腊用桮檀弓曰既反哭主人與有司視虞牲日中

而行事朝葬日中而虞君子舉事必殺于廟用辰正也再虞三虞皆質明

門西主人不視豚解主人視牲不視殺凡為喪事略也豚解解前後

脛脊脅而已孰乃體解升於鼎也今文無膚羹飪升左肩臂臠肫

骼脊脅離肺膚祭三取諸左臙上肺祭一實

于上鼎肉謂之羹飪孰也脊脅正脊正脅也喪祭略七體耳離肺舉肺也少牢饋

食禮曰舉肺一長終肺祭肺三皆判臚脰肉也古文曰左股上此字從肉爰爰爰之爰聲

升魚鱠鮒九實于中鼎差減升腊左胖髀不

升實于下鼎腊亦七體皆設局鼎陳之嫌既

設局鼎也今文局載猶進祗魚進鬻猶猶士

言未可以吉也祗本也鬻春祝俎髀脰脊脅

離肺陳于階間敦東不升於鼎賤也統於敦

尸淳尸盥執槃西面執匱東面執巾在其北

東面宗人授巾南面槃以盛棄水為淺汚人

主人在室則宗人升戶外北面當詔主佐食

無事則出戶負依南面室中尊不空立戶鉶

芎用苦若薇有滑夏用葵冬用苴有柶茶也

苴莖類也乾則滑夏秋用生葵冬春豆實葵

菹菹以西羸醢邊棗丞栗擇棗丞栗擇則菹

則豆不揭尸入祝從尸祝在主人前也嫌如

從之初時主人之心尚若親存宜尸坐不說

自親之今既接神祝當詔俯尸也尸坐不說

履侍神不敢燕惰尸謾祝前鄉尸前道也祝

鄉之為還出戶又鄉尸還過主人又鄉尸還

降階又鄉尸過主人則西階上不言及階降

階還及門如出戶及至也言還至門明其間

門如出戶時皆還鄉尸也每將還必尸出祝

反入門左北面復位然後宗人詔降尸服卒

者之上服上服者如特牲士玄端也不以爵弁服為上者祭於君之服非所以

自配鬼神士之妻則宵衣耳男男尸女女尸必使異姓不

使賤者異姓婦也賤者謂庶孫之無尸則禮

及薦饌皆如初無尸謂無孫列可使者也殤亦是也禮謂衣服即位升降

既饗祭于苴祝祝卒記異者不綏祭無泰羹之節

涪裁從獻不綏言獻記終始也事尸之禮始於綏祭終於從獻綏當為墮主

人哭出復位於祝祝闔牖戶降復位于門西祝卒

門西北面位也男女拾踊三拾更也如食間隱之如

九飯之頃也祝升止哭聲三啓戶聲者噫歎也將啓戶警言覺神也

今文啓為開主人入親祝從啓牖鄉如初牖先闔

者主人在內也鄉牖名也如初主人哭出復位堂上

卒徹祝佐食降復位

祝復門西北面位佐食復西方位不復設西北

隅者重閉

宗人詔降如初

初贊闔牖戶宗人詔主人降之

始

虞用柔日

葬之日日中虞欲安之柔日陰陰取其靜

曰哀子其哀

顯相夙興夜處不寧

曰辭也祝祝之辭也喪祭稱哀顯相助祭者也

顯明也相助也詩云於穆清廟肅雍顯相不寧悲思不安

敢用絜牲剛鬣

敢味冒之辭

香合

黍也大夫士於黍稷之號合言普淖而已此言香合

蓋記者誤耳辭次

嘉薦普淖

嘉薦菹醢也普淖黍稷也普大

也淖和也德能大和乃

明齊澂酒

明齊新木也言以新

三五

水漉釀此酒也郊特牲曰明水沬齊貴新也或曰當為明視謂免腊也今文曰明粢粢稷

也皆非其次哀薦裕事始虞謂之裕事者主

今文漉為醲

先祖合為安適爾皇祖某甫爾女也女死者

今文曰吉事適爾皇祖某甫告之以適皇祖

所以安之也皇君也某饗勸強再虞皆如初

甫皇祖字也若言尼甫饗之也

曰哀薦虞事丁日葬則巳日再虞三虞卒哭其祝辭異者一言耳

他用剛日亦如初曰哀薦成事當祔於祖廟為神安於此

後虞改用剛日剛日陽也陽取其動也士則

庚日三虞壬日卒哭其祝辭異者亦一言耳

他謂不及時而葬者喪服小記曰報葬者報

虞者三月而後卒哭然則虞卒哭之間有祭

事者亦用剛日其祭無名謂之他者假設言之文不在卒哭上者以其非常也今正者自

相亞也檀弓曰葬日中而虞弗忍一日離也是日也以虞易奠卒哭日成事是日也以吉

祭易喪祭明日祔於祖父如是虞獻畢未徹為喪祭卒哭為吉祭今文他為宅獻畢未徹

乃餞卒哭之祭既三獻也餞送行者之酒詩云出宿于濟飲餞于禰尸且將始祔於

皇祖是以餞送尊兩甒于廟門外之右少南之古文餞為踐尊兩甒于廟門外之右少南

水尊在酒西勺北枋酒即吉也此在西尚凶也言水者喪質無鼎不洗在尊東南水在洗

又陳古文甒為庶也饌邊豆脯四脰酒宜脯

東籩在西在門之左又少南

挺為有乾肉折俎二尹縮祭半尹在西塾乾

牲體之脯也如今涼州烏翅矣折以為俎實

優尸也尹正也雖其折之必使正縮從也古

文縮尸出執几從席從祝入亦告利成入前

為蹙席也几出執几從席從尸乃出几席素几

席從執事也尸出門右南面侯設席設于尊

西北東面几在南賓出復位將入臨之位士

北上門東北面上門西主人出即位于門

北面東上西方東面北上主人出即位于門

東少南婦人出即位于主人之北皆西面哭

不止婦人出者尸即席坐唯主人不哭洗廢

重餞尸

義禮二曰

三

爵酌獻尸尸拜受主人拜送哭復位薦脯醢

設俎于薦東胸在南胸脯及乾肉之屈也尸

左執爵取脯擣醢祭之佐食授齊授乾肉尸

受振祭齊反之祭酒卒爵奠于南方反之反於佐食

佐食反之於俎主人及兄弟踊婦人亦如之

主婦洗足爵亞獻如主人儀無從踊如初賓

長洗纒爵三獻如亞獻踊如初佐食取俎實

于篚尸謖從者奉篚哭從之祝前哭者皆從

及大門內踊如初男女從尸男由左女由右

由廟門外無事尸之尸出門哭者止以餞於外大門

猶廟門賓出主人送拜稽顙送賓拜於大門外主婦亦

拜賓女賓也不言出不言送拜之於丈夫說

經帶于廟門外既卒哭當變麻受之以葛也

說為稅入徹主人不與入徹者兄弟大功以下

婦人在其中婦人說首經不說帶不脫帶齊

古文與為豫不變也婦人少變而重帶帶下體之上也大功小功者葛帶時亦不說者未可以輕文變

於主婦之質至祔葛帶以無尸則不餞猶出

即位檀弓曰婦人不葛帶

几席設如初拾踊三以餞尸者本為送神也

出古文哭止告事畢賓出死三日而殯三月

席為筵而葬遂卒哭謂士也雜記曰大夫三月而葬

五月而卒哭諸侯五月而葬七月而卒哭此記更從死

起異人之間其義或殊將旦而祔則薦薦謂

之卒辭曰哀子某來日某隰祔爾于爾皇祖

祭某甫尚饗卒辭卒哭之祝辭隰升也尚庶幾

也稱饌明主為告祔也今文隰

為女子曰皇祖妣某氏女孫祔婦曰孫婦于

齊於祖母曰孫婦于

皇祖姑某氏不言爾曰孫婦婦差其他辭一

也來日某齊饗辭曰哀子某圭為而哀薦之

饗饗辭勸強尸之辭也圭絜也詩曰明日以

其班祔卒哭之明日也班次也喪服小記曰

已復于寢如既祫主反其廟練而後遷廟沐

浴櫛搔翦彌自飾也搔當為爪今文曰沐用

專膚為折俎取諸脰臙婦以下俎也體盡人

多折骨以為之今以脰臙貶於純吉今文字

為頭其他如饋食如特牲饋食之事或云以

復用虞臂平其不然明矣左胖虞右胖祔今此如饋

筮曰孝子某孝顯相夙與夜處小心畏忌不

惰其身不寧稱孝者用尹祭尹祭脯也大夫

今不言牲號而云嘉薦普淖普薦澶酒普薦

不稱牲記其異適爾皇祖某甫以濟祔爾孫錙羹

某甫尚饗欲其祔合兩告之曾子問曰天子

諸祖廟禮也卒哭成事而後主各反其廟然則士之皇祖於卒哭亦反其廟無主則反廟

之禮未聞以具幣告之乎禘而小祥小祥祭名祥吉也檀弓曰歸祥肉古文禘

皆作祝辭之異者言常者禘而祭禮也古文常為祥又

基而大祥曰薦此祥事又復中月而禘中猶

禘祭名也與大祥間一月自喪至此凡二十禘或為

導是月也吉祭猶未配是月是禘月也當四

以某妃配某氏哀未忘也少牢饋食禮祝祝剛鬣嘉薦普淖用薦歲

事于皇祖伯某以某妃配某氏尚饗

儀禮卷第十四

經二千七十九字

注三千四百四十三字

開化圖書

Karhna library

儀禮卷第十五

特牲饋食禮第十五

鄭氏注

特牲饋食之禮不諏日

祭祀自孰始曰饋食者食道也諏謀

也士賤職褻時至事暇可以祭則筮其日矣不如少牢大夫先與有司於廟門諏丁巳之日今文諏

皆為詛及筮日主人冠端玄即位于門外

西面冠端玄玄冠玄端下言玄者子姓兄弟

如主人之服立于主人之南西面北上所祭者之

子孫言子姓者子之所生小宗祭而有司羣兄弟皆來與焉宗子祭則族人皆侍

執事如兄弟服東面北上士之屬席于門中

闌西闕外為筮人設之也古筮人取筮于西

塾執之東面受命于主人筮人官名也筮問

明者謂宰自主人之左贊命命曰孝孫某筮

來日某諏此某事適其皇祖某子尚饗宰羣

長自由也贊佐也達也贊命由左者為神求

變也士祭曰歲事此言某事又不言妃者容

大祥之後禫月之吉祭皇君也言君祖者尊
之也某子者祖字也伯子仲子也尚庶幾也
筮者許諾還即席西面坐卦者在左卒筮寫

卦筮者執以示主人

士之筮者坐著短由便卦者主畫地識爻爻備

以方寫之主人受視反之

反筮者還東面長占卒

告于主人占曰吉

長占以其屬之長幼旅占之

若不吉則

筮遠日如初儀

遠日旬之外日

宗人告事畢前期三

日之朝筮尸如求日之儀命筮曰孝孫某諏

此某事適其皇祖某子筮某之某為尸尚饗

三日者容宿賓視濯也某之某者字尸父而名尸連言其親庶幾其馮依之也大夫士以

孫之倫

乃宿尸

宿讀為肅肅進也進之者使知祭日當來古文宿皆作羞

凡宿或作速記作主人立于尸外門外子姓

兄弟立于主人之後北面東上不東面者來不為賓客子

姓立于主人之尸如主人服出門左西面不

後上當其後主人辟皆東面北上順主人再拜尸荅

拜主人先宗人擯辭如初卒曰筮子為某尸

占曰吉敢宿宗人擯者釋主人之辭如初者如宰贊命筮尸之辭卒曰者著

其辭所易也祝許諾致命受宗人辭許之傳命於尸始宗人祝

北面至於傳命皆西尸許諾主人再拜稽首

面受命東面釋之

其許亦宗人受尸入主人退相揖而去尸宿

於祝而告主人不拜送尸尊宿

賓賓如主人服出門左西面再拜主人東面

荅再拜宗人擯曰某薦歲事吾子將涖之敢

宿薦進也涖臨也言吾子將臨之知賓曰某

敢不敬從主人再拜賓荅拜主人退賓拜送

厥明夕陳鼎于門外北面北上有鼎厥其也

明明日夕門外北面當於在其南南順實獸于

其上東首順猶從也於之制如今大木舉牲

在其西北首東足

其西櫨西也東足者尚設右也牲不用櫨以其生

洗于阼階東南壺禁在東序豆籩鉶在東房

南上几席兩敦在西堂

東房房中之東當夾北西堂西夾室之前

近南主人及子姓兄弟即位于門東如初

也賓及衆賓即位于門西東面北上

不象如初者以

宰在而宗人祝不在宗人祝立于賓西北東面南上

至位彌異宗人祝於祭宜近席

主人再拜賓各再拜三拜衆

賓衆賓各再拜

衆賓再拜者士賤旅之得備禮也

主人揖入

兄弟從賓及衆賓從即位于堂下如外位視爲

濯也宗人升自西階視壺濯及豆籩反降東北

面告濯具濯漑也不言敦鉶者省文也東北

潔以有几席 賓出主人出皆復外位爲視牲也今

宗人視牲告充雍正作豕充猶肥也雍正官

作豕視宗人舉獸尾告備舉鼎鼐告絜備請

期曰羹飪肉謂之羹飪孰也謂明日質明時

西北面告告事畢賓出主人拜送夙興主人

服如初立于門外東方南面視側殺興起也

主人服如初則其餘有不主婦視饌爨于西

堂下炊黍稷曰饌宗婦為之爨竈也西堂下

饌作精周禮作饌亨于門外東方西面上亨煮也

誰能以鑊各一爨詩云羹飪實鼎陳于門外如

初初視也尊于戶東玄酒在西戶東室戶東玄

尊酌者實豆籩陳于房中如初如初者取

而反執事之俎陳于階間二列北上執事謂

之

兄弟二列者因其位在東西祝主人盛兩敦
主婦之俎亦存焉不升鼎者異於神

陳于西堂藉用萑几席陳于西堂如初盛黍稷者

宗婦也萑細葦尸盥匱水實于槃中簞巾在
古文用為于

門內之右設盥水及巾尸尊不就洗又不揮

上凡鄉內以入為左祝筵几于室中東面為

敷席也至此神主婦纚笄宵衣立于房中南面

主婦主人之妻雖姑存猶使之主祭祀纚笄
首服宵綺屬也此衣染之以黑其繒本名曰

宵詩有素衣朱宵記有玄宵衣凡婦人助祭
者同服也內則曰舅沒則姑老家婦所祭祀

賓客每事主人及賓兄弟羣執事即位于門

外如初宗人告有司具具猶辦也主人拜賓如初

揖入即位如初初視也佐食北面立于中庭佐食

賓佐尸食者立于宗人之西主人及祝升祝先入主人從

西面于戶內祝先入接神宜在前也少牢饋

人盥升自阼階祝先入南面主婦盥于房中薦兩豆葵菹

蝸醢醢在北主婦盥盥於內洗昏禮宗人遣

佐食及執事盥出命之盥出當助主人降及

賓盥出主人在右及佐食舉牲鼎賓長在右

及執事舉魚腊鼎除鼎及與也主人在右統於東主人與佐食者

賓尊不載少牢饋食禮魚宗人執畢先入當

用鮒腊用麋士腊用兔宗人執畢先入當

阼階南面畢狀如義蓋為其似畢星取名焉

又以畢臨七載備失脫也雜記曰柢用桑長三尺畢用桑三尺刊其本與末柢畢同材明

矣今此柢用棘心則畢亦用棘心舊說云畢以御他神物神物惡桑義則少牢饋食及虞

無義何哉此無義者乃主人不親舉耳少牢大夫祭不親舉虞喪祭祭也主人未執事祔

練祥執事用桑義自鼎西面錯右人抽扃委此純吉用棘心義

于鼎北右人謂主人及二賓贊者錯俎加七

贊者執俎及七從鼎入者其錯俎東乃北人

也尊者於事指使佐食升所俎鼎之設于阼

階西所謂心舌之俎也郊特牲曰所之為言

皆作卒載加七于鼎卒已也已載主人升入

復位俎入設于豆東魚次腊特于俎北俎入設

者腊特饌要方也凡饌必方主婦設兩敦黍

稷于俎南西上及兩鉶毛設于豆南南陳婦宗

不贊敦鉶者以其祝洗酌奠奠于鉶南遂命少可親之芼菜也

佐食啓會佐食啓會卻于敦南出立于戶西

南面酌奠奠其爵解也少牢饋食禮啓會乃奠之主人再拜稽首

祝在左稽首服之甚者祝在左當為主人釋辭於神也祝祝曰孝孫某敢用剛鬣

嘉薦普淖用薦某事於皇祖某子尚饗卒祝主人再拜稽首祝

迎尸于門外尸自外來代人接之就其次而請不拜不敢與尊者為禮周

禮掌次凡祭祀張尸次主人降立于阼階東主人不迎尸成尸尊

尸所祭者之孫也祖之尸則主人乃宗子櫛之尸則主人乃父道事神之禮廟中而已出

迎則尸入門左北面盥宗人授巾侍盥者執其器就之

執罇者不授巾賤也宗人授巾庭長尊尸至少牢饋食禮曰祝先入門右尸入門左

于階祝延尸尸升入祝先主人從延進在後

禮器所謂詔侑武方者也少牢饋食禮曰尸升自西階入祝從主人升自阼階祝先入主

從尸即席坐主人拜安尸安安坐也尸荅拜執奠

祝饗主人拜如初饗勸強之也其辭取于士

孝薦之饗舊祝命授祭尸左執觶右取菹說云明薦之換

于醢祭于豆間命詔尸也授祭祭神食也士

周禮曰既祭則藏其墮墮與揅讀同耳今文改揅皆為綏古文此皆為揅祭也揅醢者染

於佐食取黍稷肺祭授尸尸祭之祭酒啐酒

告旨主人拜尸奠解荅拜肺祭扞肺也旨美也祭酒穀味之芬

芬者齊敬共之唯恐不美告之美達其心明神享之祭釃嘗之告旨主

人拜尸荅拜釃肉味之有菜和者曲禮曰客祭羹主人辭不能享祝命

爾敦佐食爾黍稷于席上爾近也近之設大

羹湑于醢大羹湑煮肉汁也不和貴其質設之所以敬尸也不祭不齊大

羹不為神非盛者也士虞禮曰舉肺脊以授大羹湑自門入今文湑皆為汁

尸尸受振祭噉之左執之

肺氣之主也脊正體之貴者先食啗

之所以導

乃食食舉

舉言食者明凡解體皆連肉

主人羞

所俎于腊北

所俎主於尸主人親羞敬也神俎不親設者貴得賓客以神事

其尸三飯告飽祝侑主人拜

三飯告飽禮一成也侑勸也或

曰又勸之使又食少牢饋食禮侑辭曰皇尸未實侑也

佐食舉幹尸受

振祭噉之佐食受加于所俎舉獸幹魚一亦

如之

幹長脅也獸腊其體數與牲同

尸實舉于菹豆

為將食庶羞舉

謂肺脊

佐食羞庶羞四豆設于左南上有醯

庶

也衆羞以豕肉所以爲異味四豆者曉炙哉
醢南上者以曉炙爲上以有醢不得綈也

尸又三飯告飽祝侑之如初禮再成也舉骼及獸

魚如初尸又三飯告飽祝侑之如初禮三成

初者獸幣舉肩及獸魚如初不復飯者三三

也舉先正脊後肩自上而佐食盛所俎俎釋

三个佐食取牲魚腊之餘盛於所俎將以歸

釋者牲腊則正脊一骨長脅一骨及臠也魚

則三頭而已个猶枚也今俗言物數有云若
干個者舉肺脊加于所俎反黍稷于其所授
此讀然

佐食佐食受而加之反主人洗角升酌醕尸

之也肺脊初在菹豆

醕猶衍也是獻尸也謂之醕者尸既卒食又

欲頤衍養樂之不用爵者下大夫也因父子

之道質而用角角加人尸拜受主人拜送尸

事畧者今又醕皆為酌

祭酒啐酒賓長以肝從肝肝炙也今文曰尸

左執角右取肝揆于鹽振祭噦之加于菹豆

卒角祝受尸角曰送爵皇尸卒爵主人拜尸

荅拜曰送爵者祝酌授尸尸以醋主人醋報

酌不洗尸不親酌尊尸也尸主人拜受角尸

親醋相報之義古文醋作酢

拜送主人退佐食授授祭

退者進受爵反位

授祭亦取黍稷肺祭今文或皆改妥作授

人坐左執角受祭祭之祭酒啐酒進聽嘏

待也受福曰嘏嘏長也大也待尸授之以長大之福 佐食搏黍授祝祝

授尸尸受以菹豆執以親嘏主人

獨用黍者食之主其

辭則少牢饋

主人左執角再拜稽首受復位

詩懷之實于左袂挂于季指卒角拜尸荅拜

詩猶承也謂奉納之懷中季小也實于左袂挂祛以小指者便卒角也少牢饋食禮曰與

受黍坐振祭齊主人出寫畷于房祝以籩受

之古文挂作卦變黍言畷因事託戒欲其筵祝南面主人自

重稼畷畷者農力之成功主人酌獻祝祝拜受角主人拜送設菹醢俎

行神惠也先獻祝以接神尊之菹醢皆主婦設之佐食設俎祝左執角祭

豆與取肺坐祭齊之興加于俎坐祭酒啐酒

以肝從祝左執角右取肝揆于鹽振祭齊之

加于俎卒角拜主人荅拜受角酌獻佐食佐

食北面拜受角主人拜送佐食坐祭卒角拜

主人荅拜受角降反于篚升入復位主婦洗

爵于房酌亞獻尸亞次也次猶貳主婦貳獻

尸拜受主婦北面拜送北面拜者辟内子也

北西宗婦執兩籩戶外坐主婦受設于敦南

兩籩棗栗祝贊籩祭尸受祭之祭酒啐酒籩

棗栗之祭也其兄弟長以燔從尸受振祭祭之亦於豆祭齊

之反之燔炙肉也羞燔者受加于斝出出者俟尸

卒爵祝受爵命送如初送者送酢如主人儀

尸酢主婦如主人儀者自祝酌至尸
拜送如酢主人也 不易爵辟內子 主婦適

房南面佐食授祭主婦左執爵右撫祭祭酒

啐酒入卒爵如主人儀 撫授祭示親祭佐食

簡也入室卒爵於尊獻祝邊燔從如初儀及

者前成禮明受惠也 及佐食如初如其佐食如初卒以爵入于房 獻佐食則拜主人

之北西賓三獻如初燔從如初爵止 初亞獻

面也爵者三獻禮成欲神惠之 席于戶內 為主人

均於室中是以奠而待之 鋪之西面席自 房來 主婦洗爵酌致爵于主人 主人拜受

爵主婦拜送爵

主婦拜於北面也

宗婦贊

豆如初主婦受設兩豆兩籩

初贊亞獻也主婦薦兩豆籩東

面也俎入設

佐食

主人左執爵祭薦宗人贊祭

奠爵與取肺坐絕祭臠之與加于俎坐扱于

祭酒啐酒

絕肺祭之者以離肺長也少儀曰牛羊之肺離而不提心豕亦然扱

拭也扱手者為絕肺染汗也

肝從左執爵取

肝扱于鹽坐振祭臠之宗人受加于俎燔亦

如之與席末坐卒爵拜

於席末坐卒爵敬也酌而備再從而次

均之示主婦荅拜受爵酌醋左執爵拜主人荅

拜坐祭立飲卒爵拜主人荅拜主婦出反于

房主人降洗酌致爵于主婦席于房中南面

主婦拜受爵主人西面荅拜宗婦薦豆俎從

獻皆如主人主人更爵酌醋卒爵降實爵于

篚入復位主人更爵自酢男子不承婦人爵也祭統曰夫婦相授受不相襲處

酌必易爵明夫婦之別古文更為受三獻作止爵賓也謂三獻者以事命之

作起也舊說云賓入戶尸卒爵酌酌獻洗及

北面曰皇尸請舉爵

佐食洗爵酌致于主人主婦燔從皆如初更

爵酢于主人卒復位洗乃致爵為異事新之燔從皆如初者如亞獻

及主人主婦致爵也凡獻佐食皆無從其薦俎獻兄弟以齒設之賓更爵自酢亦不承婦

人爵今文曰洗主人降阼階西面拜賓如初

致古文更為受洗拜賓而洗爵為將獻之如初如視濯時主

賓辭洗卒洗揖讓升酌西階上獻賓賓北面

拜受爵主人在右答拜就賓拜者此禮不主

階主人在右統於薦脯醢設折俎凡節解者皆曰折俎

義禮

三

不言其體畧云折俎非貴體也

上賓器衆賓儀公有司設之

賓左執爵祭

豆奠爵與取肺坐絕祭齊之興加于俎坐扱

手祭酒卒爵拜主人答拜受爵酌酢奠爵拜

賓答拜

主人酌自酢者賓不敢

主人坐祭卒

爵拜賓答拜揖執祭以降西面奠于其位位

如初薦俎從設

位如初復其位東面少牢饋

東司士執俎以從設于薦

東是則皆公有司為之與衆賓升拜受爵坐

祭立飲薦俎設于其位辯主人備答拜焉降

實爵于筐

衆賓立飲賤不備禮鄉飲酒記曰立卒爵者不拜既爵備盡盡人之

拜答尊兩壺于阼階東加勺南枋西方亦如之

爲酬賓及兄弟行神惠不酌上尊卑異之就其位尊之兩壺皆酒優之先尊東方示惠由

近禮運曰澄酒在下主人洗解酌于西方之尊西階前

北面酬賓賓在左

先酌西方者尊賓之義

主人奠解拜

賓答拜主人坐祭卒解拜賓答拜主人洗解

賓辭主人對卒洗酌西面賓北面拜

西面者鄉賓位

立於西階之前賓所答拜之東北

主人奠解于薦北

奠酬於薦左非

為其不舉行神惠
不可同於飲酒
賓坐取觶還東面拜主人

荅拜賓奠觶于薦南揖復位
還東面就其位
薦西奠觶薦南

明將主人洗爵獻長兄弟于阼階上如賓儀

酬賓乃獻長兄弟者獻之禮成於酬先成賓
禮此主人之義亦有薦胥設于位私人為之

與洗獻眾兄弟如眾賓儀
獻卑而必為之洗
者顯神惠此言如

眾賓儀則如獻
眾賓洗明矣
洗獻內兄弟于房中如獻眾

兄弟之儀
內兄弟內賓宗婦也如眾兄弟如
其拜受坐祭立飲設薦俎於其位

而立內賓其位在房中之尊比不殊其長畧
婦人者也有司徹曰主人洗獻內賓於房中

南面拜

主人西面答拜更爵酢卒爵降實爵

于筐入復位

爵辯乃自酢以初不殊其長也內賓之長亦南面答拜

長

兄弟洗觚為加爵如初儀不及佐食洗致如

初無從

大夫士三獻而禮成多之為加也不及佐食無從殺也致致於主人主婦

衆賓長為加爵如初爵止

尸爵止者欲神嗣惠之均於在庭

舉奠盥入北面再拜稽首

嗣主人將為後者舉猶飲也使嗣子

飲奠者將傳重累之者大夫之嗣子不舉奠辟諸侯

尸執奠進受復位

祭酒啐酒尸舉肝舉奠左執觶再拜稽首進

受肝復位坐食肝卒解拜尸備荅拜焉受尊

者賜不敢餘也備猶盡也每拜荅之以尊舉

者與卑者為禮略其文耳古文備為復奠洗酌入尸拜受舉奠荅拜尸祭酒啐酒奠

之舉奠出復位啐之者荅其欲酢已也奠之者復神之奠解嗣齒於子姓

凡非主人升兄弟弟子洗酌于東方之尊降自西階阼

階前北面舉解于長兄弟如主人酬賓儀子弟

後生宗人告祭胥胥俎也所告者眾賓眾兄弟內賓也獻時設薦俎于

也其位至此禮又殺告之祭使成禮乃羞羞庶也其祭皆離肺不言祭豆可知

下尸載醢豆而已此所羞者賓坐取解阼階自祝主人至於內賓無內羞

前北面酬長兄弟長兄弟在右薦南奠解賓奠解

拜長兄弟答拜賓立卒解酌于其尊東面立

長兄弟拜受解賓北面答拜揖復位其尊長兄弟尊

也此受酬者拜亦北面長兄弟西階前北面衆賓長自

左受旅如初旅行也受行酬也長兄弟卒解

酌于其尊西面立受旅者拜受長兄弟北面

答拜揖復位衆賓及衆兄弟交錯以辯皆如

初儀交錯猶為加爵者作止爵如長兄弟之

儀於旅酬之間言作長兄弟酬賓如賓酬兄

弟之儀以辯卒受者實解于筐長兄弟酬賓亦坐取其奠

解此不言交錯以辯賓之酬不言卒受者賓

弟子及兄弟弟子洗各酌于其尊中庭北面

西上舉解於其長奠解拜長皆答拜舉解者

祭卒解拜長皆答拜舉解者洗各酌于其尊

復初位長皆拜舉解者皆奠解于薦右奠解進奠

之干薦右非神惠也
長皆執以興舉解者皆

復位荅拜長皆奠解于其所皆揖其弟子弟

子皆復其位復其位者東西面位弟子舉解於其長所以序長幼教孝弟兄

皆北堂下拜亦爵皆無筭筭數也賓取解酬兄弟之黨長兄弟取解酬賓

數因今接會使之交恩定好優勸之利洗

散獻于尸酢及祝如初儀降實散于筐利佐食也

言利以今進酒也更言獻者以利待尸禮將

也又殺主人出立于戶外西南禮畢祝東面告

利成利猶養也供養之禮成尸問之嫌謏祝前主人

降謏起也前猶導也少牢饋食禮曰祝入尸

出干謏主人降立于阼階東西面祝先尸從遂

儀士虞禮備矣祝反及主人入復位命佐

食徹尸俎俎出于饋廟門俎所以載胾俎少牢

之徹庶羞設于西序下為將餼去之庶羞主

傳曰宗室有事族人皆侍終日大宗已侍於

賓奠然後燕私燕私者何也已而與族人飲

也此徹庶羞置西序下者為將以燕飲與然

則自尸祝至於兄弟之庶羞宗子以與族人

燕飲於堂內賓宗婦之筵對席佐食分簋鉶

庶羞主婦以燕飲于房

為將餽分之也分簋者分敦黍於會為有對也敦有虞氏之器也周制士用之變敦言簋容同姓之士得從周制耳祭統曰餽者祭之末也不可不知也是故古之人有言曰善終者如始餽其是已是故古之君子曰尸亦餽鬼神之餘惠術也可以觀政矣宗人

遣舉奠及長兄弟盥立于西階下東面北上

祝命嘗食養者舉奠許諾升入東面長兄弟

對之皆坐佐食授舉各一膚命告也士使嗣子及兄弟養其

惠不過族親也主人西面再拜祝曰養有以

也兩養奠舉于俎許諾皆答拜以讀如何其父也必有以

也之以祝曰養釋辭以戒之言女養于此當
有所以也以先祖有德而享于此祭其坐養
其餘亦當以之也少牢饋食禮不戒者
非親昵也舊說曰主人拜下養席南 若是

者三丁寧皆取舉祭食祭舉乃食祭釧食舉

釧禮殺祭卒食主人降洗爵宰贊一爵主人升

酌酌上養上養拜受爵主人荅拜酌下養亦

如之少牢饋食禮曰贊者洗三爵酌主人受

于養主人拜祝曰酌有與也如初儀主人復

也與讀如諸侯以禮相與之與言女酌此當
有所與也與者與兄弟也既知似先祖之德

亦當與女兄弟謂教化之兩養執爵拜人也祭酒卒爵拜

主人荅拜兩養皆降實爵于篚上養洗爵升

酌酢主人主人拜受爵下養復兄弟位不復升也上養即

位坐荅拜既授爵戶內乃就坐主人坐祭卒爵拜上養

荅拜受爵降實于篚主人出立于戶外西面

事餽者禮畢祝命徹阼俎豆籩設于東序下命命佐食

阼俎主人之俎宗婦不徹豆籩徹禮略祝執

其俎以出東面于戶西俟告利成少宰下篇

以宗婦徹祝豆籩入于房徹主婦薦俎宗婦既並

徹徹其卑者士虞禮佐食徹尸薦俎敦設于

西北隅几在南扉用筵納一尊佐食闔牖戶

降罪隱也不知神之所在或諸遠人平尸謾

牢饋食禮曰南面而饋之設此所謂當室之

白陽厭也則尸未入之前為陰厭矣曾子問

謂陰厭陽厭也祝告利成降出主人降即位

宗人告事畢賓出主人送于門外再拜拜送賓也

凡去者佐食徹俎堂下俎畢出記俎出節

不荅拜

賓自徹而出唯實俎記特牲饋食其服皆朝

有司徹歸之尊賓者於祭服北也皆者謂賓及

服玄冠緇帶緇鞞兄弟筮曰筮尸視濯亦玄

端至祭而朝服朝服者諸侯之臣與其君日視朝之服大夫以祭今賓兄弟緣孝子欲得

嘉賓尊客以事其祖禰故服之緇鞞者下大夫之臣夙興主人服如初則固玄端

尸祝佐食玄端玄裳黃裳雜裳可也皆爵鞞與主人同服周禮士之齊服有玄端素端

然則玄裳上士也黃裳中士雜裳下士設

洗南北以堂深東西當東榮榮屋翼也水在洗東

祖天地之左海篚在洗西南順實二爵二觚四解一

角一散

順從也言南從統於堂也二爵者為賓獻爵止主婦當致也二觚長兄弟

酬眾賓長為加爵二人班同宜接並也四觶

一酌奠其三長兄弟酬賓卒受者與賓弟子

兄弟弟子舉觶於其長禮殺事相接禮器曰

貴者獻以爵賤者獻以散尊者舉觶卑者舉

角舊說云爵一升觚二升

解三升角四升散五升 壺於禁饌于東序

南順覆兩壺焉蓋在南明日卒奠冪用綌即

位而徹之加勺

覆壺者盪瀝水且為其不宜塵冪用綌以其堅絜禁言於

者祭尚厭既得與大 邊巾以綌裏棗烝

夫同器不為神戒也

栗擇邊有巾者果實之物多皮核優尊者可

也烝擇互文舊說云纁裏者皆

玄鉶毛用苦若薇皆有滑夏葵冬苴苦苦茶也苴莖

屬乾之冬滑於葵詩云周原膾膾董茶如節今文苦為苴苴乃地黃非也棘心匕

刻刻若今牲爨在廡門外東南魚腊爨在其

南皆西面饎爨在西壁饎炊也西壁堂之西牆下舊說云南北直

屋相稷在南胙俎心舌皆去本末午割之實于牲

鼎載心立舌縮俎午割從橫割之亦勿没立縮順其牲心舌知食味者

欲尸之饗此祭是以進之賓與長兄弟之薦自東房其餘

在東堂東堂東夾沃尸盥者一人奉槃者東

面執匱者西面淳沃執巾者在匱北匱北執匱之北

亦西面每事各一人淳沃稍注之今文淳作激宗人東面取巾振之

三南面授尸卒執巾者受宗人代授尸入主

人及賓皆辟位出亦如之辟位嗣舉奠佐食

設豆鹽肝宜鹽也佐食當事則戶外南面無事則

中庭北面當事將有事而未至凡祝呼佐食許諾呼猶命也

宗人獻與旅齒於衆賓尊庭長齒從佐食於

旅齒於兄弟尊兩壺于房中西墉下南上婦為

人旅也其尊之節亞西方內賓立于其北東面西上宗婦

北堂東面北上二者所謂內兄弟內賓姑姊

于所祭為子孫或南上或北上宗婦宜主婦統於主婦主婦南面北堂中房而北

及內賓宗婦亦旅西面西面者異於獻也男

下婦人獻於南面旅於西面內賓象眾賓宗婦象兄弟其節與其儀依男子也主婦酬內

賓之長酌奠于薦左內賓之長坐取奠于右宗婦之娣婦舉解於其娣婦亦如之內賓之

長坐取奠解酬宗婦之娣交錯以辯宗婦之娣亦取奠解酬內賓之長交錯以辯內賓之

少者宗婦之娣婦各舉奠於其長並行交宗錯無筭其拜及飲者皆西面主婦之東南宗

婦贊薦者執以坐于戶外授主婦尸卒食而

祭饔爨雍爨雍孰肉以尸享祭竈有功也舊說云宗婦祭饔爨享者祭雍爨

用黍肉而已無籩豆俎禮器曰燔燎於爨夫爨者老婦之祭盛於盆尊於瓶賓從

尸俎出廟門乃反位賓從尸送尸也士之助祭終其事也俎尸俎也

賓既送尸復入反位者宜與主人為禮乃去之尸俎右肩臂臑肫脰

正脊二骨橫脊長脅二骨短脅尸俎神俎也士之正祭禮

九體貶於大夫有併骨二亦得十一之名合少牢之體數此所謂放而不致者凡俎實之

數奇脊無中脅無前貶於尊者不貶正脊不奪正也正脊二骨長脅二骨者將舉於尸尸

食未飽不欲空神俎三為養用二離肺一離猶搯也

割之亦不提心謂之舉肺剗肺三為尸主人主婦魚十有

五魚水物以頭枚數陰中之物取數於月十有五日而盈少牢饋食禮亦云十有五而

俎尊卑同此所謂經而等也腊如牲骨不但言體以有祝

俎髀胫脊二骨脅二骨凡接於神及尸者俎

約加其可併者二亦得奇名少牢饋食禮羊豕各三體膚一離肺一胾

俎辭正脊二骨橫脊長脅二骨短脅主人尊

得祝之加數五體又加其可併者二亦得奇名辭左體辭膚一離肺一主

婦俎穀折穀後足折分後右足以為佐食俎不分左臠折辟大夫妻古文穀皆

作其餘如胾俎餘謂脊脅膚肺佐食俎穀折脊體

卑者從正膚一離肺一賓骨長兄弟及宗人折其

餘如佐食俎骨左體也賓俎全體尊賓不用尊體為其已甚卑而全之其宜

可也長兄弟及宗人折不言所分略之眾賓及眾兄弟內賓宗

婦若有公有司私臣皆殺胥又略此所折骨直破折餘體可

殺者升之俎一而已不備三者賤祭禮接神者貴凡骨有肉曰殺祭統曰凡為俎者以骨

為主貴者取貴骨賤者取賤骨貴者不重賤者不虛示均也俎者所以明惠之必均也善

為政者如此故曰見政事之均焉公有司亦
士之屬命於君者也私臣自巳所辟除者

膚一離肺一公有司門西北面東上獻次衆

賓私臣門東北面西上獻次兄弟升受降飲

獻在後者賤也祭祀有
上事者貴之亦皆與燕

儀禮卷第十五

經三千四百五字
注五千五百一十七字

開化圖書館
Kaituma Library

儀禮卷第十六

少牢饋食禮第十六

儀禮

鄭氏注

少牢饋食之禮

禮將祭祀必先擇牲繫于牢而芻之羊豕曰少牢諸侯之

卿大夫祭

日用丁巳

內事用柔日必丁巳者取其令名自丁寧自變

宗廟之牲

改皆為謹敬必先筮旬有一日

旬十日也以

譚此日明日乃筮 筮於廟門之外主人朝服西面于

門東史朝服左執筮右抽上韉兼與筮執之

東面受命于主人

史家臣主

主人曰孝孫某

來日丁亥用薦歲事于皇祖伯某以某妃配

某氏尚饗丁未必亥也直舉一日以言之耳

亥則已亥辛亥亦用之無則苟有亥焉可也

薦進也進歲時之祭事也皇君也伯某且字

也大夫或因字為謚春秋傳曰魯無駭卒請

謚與族公命之以字為展氏是也某仲叔季

亦曰仲某叔某季某某妃某妻也合食曰史

配某氏若言姜氏子氏也尚庶幾饗歆也

曰諾西面于門西抽下鞞左執筮右兼執鞞

以擊筮將問吉凶焉故擊之以動遂述命曰

假爾大筮有常孝孫某來日丁亥用薦歲事

于皇祖伯某以某妃配某氏尚饗述循也重

告筮也假借也言因著之靈以問之常吉凶之占繇乃釋鞶立筮卿大夫

著長五尺卦者在左坐卦以木卒筮乃書卦

于木示主人乃退占卦者史之屬也卦以木者每一爻畫地以識之

交爻備書於板史受以示吉則史鞶筮史兼

執筮與卦以告于主人占曰從從者求吉乃

官戒宗人命滌宰命為酒乃退官戒戒諸官也當共祭祀

事者使之具其物且齊也若不吉則及遠日

滌漑濯祭器埽除宗廟

又筮日如初及至也遠日宿宿讀為肅肅進

多筮日既戒諸官以齊戒矣至前祭一日又

戒以進之使知祭日當來古文宿皆作羞前宿一日宿戒尸皆肅諸官之日又先肅尸

者重所用為尸者又為將筮明日朝筮尸如筮日之禮命曰孝孫某來

日丁亥用薦歲事于皇祖伯某以某妃配某

氏以某之某為尸尚饗筮卦占如初某之某

父而名尸也字尸父尊鬼神也不前期三日筮尸者大夫下人君祭之朝乃視濯與士異

吉則乃遂宿尸祝擯筮吉又遂肅尸重尸也

既肅尸乃肅諸官及執

事者祝為擯者尸神象主人再拜稽首祝告曰孝孫某

來日丁亥用薦歲事于皇祖伯某以某妃配

某氏敢宿告尸以主人尸拜許諾主人又再

拜稽首主人退尸送揖不拜尸不拜者尸尊若不吉

則遂改筮尸即改筮之既宿尸反為期于廟

門之外為期肅諸官而皆至定祭早晏之期

大夫尊肅尸而已其為主人門東南面宗人

朝服北面曰請祭期主人曰比於子比次早

子也主人不西面者大夫尊於諸宗人曰旦

官有君道也為期亦唯尸不來也

明行事主人曰諾乃退旦明旦明日主人朝

服即位于廟門之外東方南面宰宗人西面

北上牲北首東上司馬刲羊司士擊豕宗人

告備乃退到擊皆謂殺之此實既省告備乃殺之文互者省也尚書傳曰羊屬

火豕雍人概鼎匕俎于雍爨雍爨在門東南

屬水雍人掌割亨之事者爨竈也在門東南

北上統於主人北上羊豕魚腊皆有竈竈西

有錢凡概者皆廩人概甑甗匕與敦于廩爨

陳之而後告絜

廩爨在雍爨之北廩人掌米入之藏者廩如

也古文司宮概豆邊勺爵觚解凡洗筐于東

堂下勺爵觚解實于筐卒概饌豆邊與筐于

房中放于西方設洗于阼階東南當東榮放

依也大夫攝官司羹定雍人陳鼎五三鼎在

羊鑊之西二鼎在豕鑊之西魚腊從羊膚司

馬升羊右胖髀不升肩髀臠膊骼正脊一脰

脊一橫脊一短脅一正脅一代脅一皆二骨

以並腸三胃三舉肺一祭肺三實于一鼎升

上也上右胖周所貴也髀不升近竅賤也肩

髀臑肱骨也膊髀股骨脊從前為正脅旁中

為正脊先前脅先後屈而反猶器之絳也並

併也脊脅骨多六體各取二骨併之以多為

貴舉肺一尸食所先舉也祭肺三為尸主人

主婦古文胖皆作辯髀皆作脾今文並皆為

併司士升豕右胖髀不升肩髀臑膊髀正脊

一脰脊一橫脊一短脅一正脅一代脅一皆

二骨以並舉肺一祭肺三實于一鼎豕無腸

不食雍人倫膚九實于一鼎倫擇也膚脅革

溷腴

司士又升魚腊魚十有五而鼎腊一純而鼎

腊用麋司士又升副倅者合升卒鬻皆設局

冪乃舉陳鼎于廟門之外東方北面北上

北上鄉內相隨司宮尊兩甒于房戶之間同

於皆有冪甒有玄酒房戶之間房西室戶東

大夫去足改名優尊者若不為之司宮設壘

水于洗東有料設篚于洗西南肆料對水器

用壘沃盥用改饌豆籩于房中南面如饋之

設實豆籩之實改更也為實之更之威儀多也如饋之設如其陳之左右

也饋設小祝設槃匱與篋巾于西階東為尸

主人朝服即位于阼階東西面為將司宮筵

于奧祝設几于筵上右之布陳神坐也室中西南隅謂之奧席

東面近主人出迎鼎除鼎士盥舉鼎主人先

入道之也主人司宮取二勺于篚洗之兼執

以升乃啓二尊之蓋冪奠于於上加二勺于

尊覆之南柄二尊兩甒也今文啓鼎序入雍

為開古文柄皆為枋

正執一七以從雍府執四七以從司士合執

二俎以從司士贊者二人皆合執二俎以相

從入助相陳鼎于東方當序南于洗西皆西面

北上膚為下七皆加于鼎東枋膚為下以其

西陳於俎皆設于鼎西西肆所俎在羊俎之

北亦西肆所俎在北將先載也宗人遣賓就

主人皆盥于洗長也長也主人不也主人不也主人

者明親臨之佐食上利升牢心舌載于所俎

心皆安下切上午割勿没其載于所俎末在

上舌皆切本末亦午割勿没其載于所橫之

皆如初為之于爨也牢羊豕也安平也平割其下於載便也凡割本

末食必正也午割使可絕也勿没為其分散也所之為言敬也所以敬尸也周禮祭尚肺

事尸尚心舌心舌知滋味今文切皆為佐食遷所俎于阼階西

西縮乃反佐食二人上利升羊載右胖髀不

升肩臂臄膊骼正脊一脰脊一橫脊一短脅

一正脅一代脅一皆二骨以並腸三胃三長

皆及俎拒舉肺一長終肺祭肺三皆切肩臂

臠膊髀在兩端脊脅肺肩在上升之以尊卑

各有宜也拒讀為介距之距俎距脰中下利

升豕其載如羊無腸胃體其載于俎皆進下

進下變於食生也所以交於神明不敢以食

道敬之至也卿飲酒禮進腍羊次其體豕言

進下互司士三人升魚腊膚魚用鮓十有五

而俎縮載右首進腍右首進腍亦變於食生

也有司載魚橫之少儀

曰羞濡魚腊一純而俎亦進下肩在上如羊

者進尾

禮之體載

膚九而俎亦橫載革順列載於俎

禮在此

順亦者亦

卒齊祝盥于洗升自西階主人盥

其骨體

升自阼階祝先入南面主人從戶內西面納將

祭也主婦被錫衣侈袂薦自東房韭菹醢醢坐

奠于筵前主婦贊者一人亦被錫衣侈袂執

葵菹羸醢以授主婦主婦不興遂受陪設于

東韭菹在南葵菹在北主婦興入于房被錫

髮鬢古者或剔賤者刑者之髮以被婦人之
紒為飾因名髮鬢焉此周禮所謂次也不纏

筭者大夫妻尊亦衣綃衣而侈其袂耳侈者蓋半士妻之袂以益之衣三尺三寸祛尺八寸韭菹醢醢朝士之豆也而饋食用之豐佐大夫禮葵菹在絳今文鬻為緡羸為蝸

食上利執羊俎下利執豕俎司士三人執魚

腊膚俎序升自西階相從入設俎羊在豆東

豕亞其北魚在羊東腊在豕東特膚當俎北

端相助也主婦自東房執一金敦黍有蓋坐設

于羊俎之南婦贊者執敦稷以授主婦主婦

與受坐設于魚俎南又與受贊者敦黍坐設

于稷南又興受贊者敦稷坐設于黍南敦皆

南首主婦興入于房敦有首者尊者器飾也飾蓋象龜周之禮飾器

各以其類龜有上下甲今文曰主婦入于房祝酌奠遂命佐食啓

會佐食啓會蓋二以重設于敦南酌奠酌酒為神奠之

後酌者酒尊要成也犧牲饋食禮主人西面

祝在左主人再拜稽首祝祝曰孝孫某敢用

柔毛剛鬣嘉薦普淖用薦歲事于皇祖伯某

以某妃配某氏尚饗主人又再拜稽首羊曰柔毛

豕曰剛鬣嘉薦菹醢也普淖黍稷也普大也
淖和也德能大和乃有黍稷春秋傳曰奉粢
以告曰潔粢豐盛謂其三
時不害而民和年豐也
祝出迎尸于廟門

之外主人降立于阼階東西面祝先入門右

尸入門左主人不出迎尸伸尊也特牲饋食禮曰尸入主人及賓皆辟位出亦

如之祝入門右者辟尸盥也既則後尸宗人奉槃東面于庭南

一宗人奉匱水西面于槃東一宗人奉簞巾

南面于槃北乃沃尸盥于槃上卒盥坐奠簞

取巾興振之三以授尸坐取簞興以受尸巾

庭南祝延尸尸升自西階入祝從由後詔相

及雷祝延尸尸升自西階入祝從之曰延延

進也周禮曰大祝相尸主人升自阼階祝先

禮祝從從尸升自西階主人升自阼階祝先

入主人從祝接神先尸升筵祝主人西面立

于戶內祝在左主人由祝後而居右尊也祝

祝主人皆拜妥尸尸不言尸荅拜遂坐尸拜妥

之使安坐也尸自此荅拜遂坐而卒食其間

有不啐奠不嘗鉶不告旨大夫之禮尸彌尊

也不告旨者為初亦祝反南面未有事也墮

不饗所謂曲而殺祭爾敦官各

肅其職尸取韭菹辯換于三豆祭于豆間上

不命

佐食取黍稷于四敦下佐食取牢一切肺于

俎以授上佐食上佐食兼與黍以授尸尸受

同祭于豆祭牢羊豕也同合也合祭於俎豆

神餘尊之而祭上佐食舉尸牢肺正脊以授

尸上佐食爾上敦黍于筵上右之爾近也或曰移也右

之便尸食也重言上主人羞所俎升自阼階

置于膚北羞進也所敬也親進上佐食羞兩

鉶取一羊鉶于房中坐設于韭菹之南下佐

食又取一豕劘于房中以從上佐食受坐設

于羊劘之南皆芼皆有柶尸扱以柶祭羊劘

逐以祭豕劘嘗羊劘芼菜也羊用苦食舉舉

肺正脊也先飲三飯食以上佐食舉尸牢幹

尸受振祭濟之佐食受加于所幹正脊也古

上佐食羞馘兩尾豆有醢亦用尾豆設于薦

豆之北設於薦豆之北以其加也四豆亦緝

不尚尸又食食馘上佐食舉尸一魚尸受振

祭躋之佐食受加于所橫之

又復也或言食或言飯食大名

小數曰飯魚橫之者異於肉

又食上佐食舉尸腊肩尸受

振祭躋之上佐食受加于所

腊魚皆一舉者少牢二牲略之

腊必舉肩以肩為終也別舉魚腊崇威儀

又食上佐食舉尸牢骼

如初

如舉也

又食

不舉者卿大夫之禮不過五舉須侑尸

尸告飽

祝西面於主人之南獨侑不拜侑曰皇尸未

實侑

侑勸也祝獨勸者更則尸飽實猶飽也祝既侑復反南面

尸又食上

佐食舉尸牢肩尸受振祭躋之佐食受加于

所四舉牢體始於正脊尸不飯告飽祝西面

于主人之南祝當贊主人辭主人不言拜侑祝言而不拜主

人不言而拜尸又三飯為祝一飯為主人三飯尊卑之差凡十一

飯下人上佐食受尸牢肺正脊加于所言受

授之也尸授牢幹而實舉于主人降洗爵升

北面酌酒乃酌尸尸拜受主人拜送酌猶羹也既食

之而又飲之所以尸祭酒啐酒賓長羞牢肝

用俎縮執俎肝亦縮進末鹽在右羞進也縮從也鹽在

肝右便尸揆之尸左執爵右兼取肝揆于俎

古文縮為臧鹽振祭齊之加于菹豆卒爵主人拜祝受尸

爵尸荅拜兼兼羊豕祝酌受尸尸醋主人主人拜

受爵尸荅拜主人西面奠爵又拜主人受酢酒俠爵拜

彌尊上佐食取四敦黍稷下佐食取牢一切

肺以授上佐食上佐食以綏祭綏或作接接讀為墮將受

嘏亦尊尸餘而祭主人佐執爵右受佐食坐

祭之又祭酒不興遂啐酒右受佐食右手受墮於佐食也至此

言坐祭之者明尸與主人為禮也尸祝與二恒坐有事則起主人恒立有事則坐

佐食皆出盥于洗入二佐食各取黍于一敦

上佐食兼受搏之以授尸尸執以命祝命祝以嘏

辭卒命祝祝受以東北面于戶西以嘏于主

人曰皇尸命工祝承致多福無疆于女孝孫

來女孝孫使女受祿于天宜稼于田眉壽萬

年勿替引之嘏大也予主人以大福工官也承猶傳也來讀曰釐釐賜也耕

種曰稼勿猶無也替廢也引長也言無廢止時長如是也古文嘏為格祿為福眉為微替

爲袂袂或爲載
載替聲相近

主人坐奠爵興再拜稽首興

受黍坐振祭嘑之詩懷之實于左袂挂于季

指執爵以興坐卒爵執爵以興坐奠爵拜尸

答拜執爵以興出宰夫以邊受嗇黍主人嘗

之納諸內詩猶承也實於左袂便右手也季

事者收歛曰嗇明豐年乃有黍稷也復嘗主

人獻祝設席南面祝拜于席上坐受室中主

人西面答拜不言拜薦兩豆菹醢葵菹佐食

設俎牢髀橫脊一短脅一腸一胃一膚三魚

一橫之腊兩髀屬于尻皆升下體祝賤也魚橫者四物共俎殊之

也腊兩髀屬于尻尤賤不殊祝取菹揆于醢祭于豆間祝

祭俎大夫祝俎無肺祭用膚祭酒啐酒肝牢遠下尸不齊之膚不盛

從祝取肝揆于鹽振祭齊之不興加于俎卒

爵興亦如佐食授爵乃興不拜既爵大夫祝賤也主人酌獻上佐

食上佐食戶內牖東北面拜坐受爵主人西

面荅拜佐食祭酒卒爵拜坐授爵興不啐而卒爵者

大夫之佐食賤禮略俎設于兩階之間其俎折一膚佐食

不得成禮於室中折者擇取牢正體餘骨折分用之有胄而無薦亦遠下尸主人

又獻下佐食亦如之其胄亦設于階間西上

亦折一膚上佐食既獻則出就其俎特性記曰佐食無事則中庭北面謂此時

有司替者取爵于篚以升授主婦替者于房

戶男女不相因特性饋食禮曰佐婦替者受

以授主婦主婦洗于房中出酌入戶西面拜

獻尸入戶西面拜由便也不北面者辟人君夫人也拜而後獻者當俠拜也昏禮曰

婦洗在北堂尸拜受主婦主人之北西面拜

送爵拜於主人之北西面婦人位在内尸祭

酒卒爵主婦拜祝受尸爵尸荅拜易爵洗酌

授尸祝出易爵男主婦拜受爵尸荅拜上佐

食綏祭主婦西面于主人之北受祭祭之其

綏祭如主人之禮不啜卒爵拜尸荅拜不啜

一體綏亦當作接古文為所主婦以爵出贊者受易爵于

篚以授主婦于房中贊者有司贊者也易爵亦以授婦贊者婦贊者

受房戶外主婦洗酌獻祝祝拜坐受爵主婦

荅拜于主人之北卒爵不興坐授主婦不俠拜下

尸也今文主婦受酌獻上佐食于戶內佐食

北面拜坐受爵主婦西面荅拜祭酒卒爵坐

授主婦主婦獻下佐食亦如之主婦受爵以

入于房不言拜於主人之北賓長洗爵獻于

尸尸拜受爵賓尸西北面拜送爵尸祭酒卒

爵賓拜祝受尸爵尸荅拜祝酌授尸賓拜受

爵尸拜送爵賓坐奠爵遂拜執爵以與坐祭

遂飲卒爵執爵以與坐奠爵拜尸荅拜賓酌

獻祝祝拜坐受爵賓北面荅拜祝祭酒啐酒

奠爵于其筵前也啐酒而不啐爵祭事畢示醉

主人出立于阼階上西面祝出立于西階上

東面祝告曰利成利猶養也成畢也祝入尸

謾主人降立于阼階東西面謾起也謾或作休祝先

尸從遂出于廟門事尸之禮祝反復位于室

中主人亦入于室復位祝命佐食徹所俎降

設于堂下阼階南

徹所俎不出門將儻尸也
所俎而以儻尸者其本為

不反魚肉耳不司宮設對席乃四人饗

禮四

人餽明

上佐食盥升下佐食對之賓長二人

惠大也

備備四人餽也司士進一敦黍于上佐食又

進一敦黍于下佐食皆右之于席上

右之者
東面在

南西面

資黍于羊俎兩端兩下是餼

資猶減
也減置

於羊俎兩端則一賓長在上佐食之北

司士

乃辯舉養者皆祭黍祭舉

舉舉膚今文辯為徧

主人西

面三拜養者養者奠舉于俎皆荅拜皆反取

舉

三拜旅之示徧也言反者拜時或去其席在東面席者東面拜在西面席者皆南面

拜司士進一鉶于上養又進一鉶于次養又

進二豆滫于兩下乃皆食食舉

滫肉汁也

卒食主

人洗一爵升酌以授上養贊者洗三爵酌主

人受于戶內以授次養若是以辯皆不拜受

爵主人西面三拜養者養者奠爵皆荅拜皆

祭酒卒爵奠爵皆拜主人荅壹拜

不拜受爵者大夫餽

者賤也荅壹拜略也古文一為壹也

慕者三人興出

出降實爵于篚反賓

位上慕止主人受上慕爵酌以醋于戶內西

面坐奠爵拜上慕荅拜坐祭酒啐酒

主人自酢者上

慕獨止當尸位尊不酌也

上慕親嘏曰主人受祭之福胡

壽保建家室

親嘏不使祝授之亦以黍

主人興坐奠爵拜

執爵以興坐卒爵拜上慕荅拜上慕興出主

人送乃退

送佐食不拜賤

儀禮卷第十六

經二千九百七十九字
注二千七百八十七字

儀禮卷第十六

十一

開化圖書

儀禮卷第十七

有司第十七

儀禮

鄭氏注

有司徹

徹室中之饋及祝佐食之俎卿大夫既祭而賓尸禮崇也賓尸則不設饌

西北隅以此薦俎之陳有祭象而亦足以厭

饌神天子諸侯明日祭於祊而繹春秋傳曰

辛巳有事于大廟仲遂卒于垂王埽堂為賓

之少儀曰汎埽曰司宮攝酒更洗益整頓之

埽埽席前曰拚

乃歆尸俎 言温尸俎則祝與佐食不與賓尸

之禮古文歆皆作尋記或作燔卒歆乃升羊

春秋傳曰若可燔也亦可寒也

豕魚三鼎無腊與膚乃設扃鼎陳鼎于門外

如初腊為庶羞膚從豕去其鼎者賓尸之禮殺於初如初者如廟門之外東方北面

北上今文扃為乃議侑于賓以異姓議猶擇也擇賓

之賢者可以侑尸必用異姓廣敬也是時主人及賓有司已復內位古文侑皆作宥宗

人戒侑戒猶告也南面告於侑出俟于廟門

之外俟待也待於次當與尸更入司宮筵于

戶西南面為尸席也又筵于西序東面為侑席也尸與

侑北面于廟門之外西上言與殊尊卑北面者賓尸而尸益卑

西上統主人出迎尸宗人擯賓客尸而迎之

主人拜尸荅拜主人又拜侑侑荅拜主人揖

先入門右尸道尸入門左侑從亦左揖乃讓沒

相揖至主人先升自阼階尸侑升自西階西

楹西北面東上東上統主人東楹東北面拜

至尸荅拜主人又拜侑侑荅拜拜至乃舉舉

鼎也舉者司馬舉羊鼎司士舉豕鼎舉魚鼎

以入陳鼎如初如初如阼階雍正執一匕以

從雍府執二匕以從司士合執二俎以從司

士贊者亦合執二俎以從匕皆加于鼎東枋

二俎設于羊鼎西西縮二俎皆設于二鼎西

亦西縮雍正群吏掌辨體名肉物者府其屬凡三匕鼎一匕四俎為尸侑主人主

婦其二俎設于豕鼎魚鼎之西陳之宜具也古文縮皆為蹙雍人合執二

俎陳于羊俎西並皆西縮覆二䟽匕于其上

皆縮俎西枋並併也其南俎司馬以羞羊匕

匕音豕肉音豕膏音魚䟽匕匕柄有刻飾者古文並皆作併主人降受宰

几尸侑降主人辭尸對几所以坐安體周禮大宰掌贊玉几玉爵

宰授几主人受二手橫執几揖尸獨揖尸几禮主於尸

主人升尸侑升復位位阼階賓階上位主人西面左

手執几縮之以右袂推拂几三二手橫執几

進授尸于筵前衣袖謂之袂推拂去塵示新尸進二手受

于手間受從手問謙也主人退尸還几縮之右手執

外廉北面奠于筵上左之南縮不坐左之者異於鬼

神生人陽長左鬼神陰主人東楹東北面拜長右不坐奠之者几輕

拜送尸復位尸與侑皆北面答拜侑拜者主從於尸

人降洗尸侑降尸辭洗主人對卒洗揖主人

升尸侑升尸西楹西北面拜洗主人東楹東

北面奠爵答拜降盥尸侑降主人辭尸對卒

盥主人揖升尸侑升主人坐取爵酌獻尸尸

北面拜受爵主人東楹東北面拜送爵降盥者為

土汚手不可酌主婦自東房薦韭菹醢坐奠于筵前

菹在西方婦贊者執昌菹醢以授主婦主婦

不與受陪設于南昌在東方與取籩于房

蕢坐設于豆西當外列饗在東方婦贊者執

白黑以授主婦主婦不與受設于初籩之南

白在西方與退昌昌本也非菹醢醢昌本糜

白熬稻黑熬黍此皆朝事之豆籩大夫無朝

事而用之賓尸亦豐大夫之禮主婦取籩與

者以饌異親之當外列乃升升牲體司馬杞

羊亦司馬載載右體肩胛骼臠正脊一脰

脊一橫脊一短脅一正脅一代脅一腸一胃

一祭肺一載于一俎言豢尸俎復序體者明所舉肩骼存焉亦著脊

脅皆一骨也膾在下者折分之以為肉湑羊

肉湑膾折正脊一正脅一腸一胃一齊肺一

載于南俎肉湑肉在汁中者以增俎實為尸加也必為膾折上所折分者齊肺

離肺也南俎雍人所設在南者此以下十一俎俟時而載於此歷說之爾今文湑為汁

司士牝豕亦司士載亦右體肩臂肫骼膾正

脊一脰脊一橫脊一短脅一正脅一代脅一

膚五齊肺一載于一俎膾在下者順羊也俎謂雍人所設在北者

侑俎羊左肩左肫正脊一脅一腸一胃一切

肺一載于一俎侑俎豕左肩折正脊一脅一

膚三切肺一載于一俎侑俎用左體侑賤其

之加也豕左肩折折分爲長兄弟俎也切肺亦祭肺互言之爾無羊清下尸也豕又祭肺

不齊肺不備禮俎司士所設羊 昨俎羊肺一

祭肺一載于一俎羊肉清臂一脊一脅一腸

一胃一齊肺一載于一俎豕脊臂一脊一脅

一膚三齊肺一載于一俎昨俎主人俎無體遠下尸也以肺代

之肺尊也加羊肉涪而有體崇尸惠亦尊主

人臂左臂也侑用肩主人用臂下之也不言

左臂者大夫尊空其文也降於侑羊體一而

增豕膚三有所屈有所申亦所謂順而據也

昨俎司士所設豕鼎西俎也其涪主婦俎羊

俎與尸俎同豕俎又與尸豕俎同

左臠脊一脅一腸一胃一膚一膾羊肺一載

于一俎無豕體而有膚以主人無羊體不敢

尊言膾羊肺者文承膚下嫌也膚在羊肺上

則羊豕之體名同相亞也其俎司士所設在

魚鼎西者司士杞魚亦司士載尸俎五魚橫載之

侑主人皆一魚亦橫載之皆加臠祭于其上

魚鼎西者司士杞魚亦司士載尸俎五魚橫載之

侑主人皆一魚亦橫載之皆加臠祭于其上

橫載之者異於牲體彌變於神膺讀如殷嘒
之嘒剝魚時割其腹以為大臠也可用祭也
其俎又與卒升卒已也已賓長設羊俎于豆
尸豕俎同

南賓降尸升筵自西方坐左執爵右取韭菹

揆于三豆祭于豆間尸取饗蕢宰夫贊者取

白黑以授尸尸受兼祭于豆祭賓長雍人授

次賓疏匕與俎受于鼎西左手執俎左廉縮

之卻右手執匕枋縮于俎上以東面受于羊

鼎之西司馬在羊鼎之東二手執桃匕枋以

挹清注于䟽匕若是者三桃謂之畝讀如或

作桃者秦人語也此二匕者皆有淺升狀如飯糝桃長枋可以扞物於器中者注猶寫也

今文桃作枕尸興左執爵右取肺坐祭之祭

酒興左執爵肺羊次賓縮執匕俎以升若是

以授尸尸卻手授匕枋坐祭濟之興覆手以

授賓賓亦覆手以受縮匕于俎上以降濟者明

清肉加耳嘗之尸席末坐啐酒興坐奠爵拜

告旨執爵以興主人北面于東楹東答拜美旨

也拜告酒美荅主人司馬羞羊肉湑縮執俎

尸坐奠爵興取肺坐絕祭濟之興反加于俎

司馬縮奠俎于羊湑俎南乃載于羊俎卒載

俎縮執俎以降絕祭絕肺末以祭周禮曰絕祭湑使次賓肉使司馬大夫

禮多崇敬也尸坐執爵以興次賓羞羊燔縮執俎

縮一燔于俎上鹽在右尸左執爵受燔揆于

鹽坐振祭濟之興加于羊俎賓縮執俎以降

燔尸降筵北面于西楹西坐卒爵執爵以興

坐奠爵拜執爵以興主人北面于東楹東荅

拜主人受爵尸升筵立于筵末主人酌獻侑

侑西楹西北面拜受爵主人在其右北面荅

拜不洗者俱獻間無事也主主人就右者賤不專階婦薦韭菹醢坐

奠于筵前醢在南方婦贊者執二邊饗蕡以

授主婦主婦不興受之奠饗于醢南蕡在饗

東主婦入于房醢在南方者立侑升筵自為尸使正饌統焉

北方司馬橫執羊俎以升設于豆東侑坐左

執爵右取菹揆于醢祭于豆間又取饗蕡同
祭于豆祭與左執爵右取肺坐祭之祭酒與
左執爵次賓羞羊燔如尸禮侑降筵自北方
北面于西楹西坐卒爵執爵以興坐奠爵拜
主人荅拜荅拜於右尸受侑爵降洗侑降立
于西階西東面主人降自阼階辭洗尸坐奠
爵于筐與對卒洗主人升尸升自西階主人
拜洗尸北面于西楹西坐奠爵荅拜降盥主

人降尸辭主人對卒盥主人升尸升坐取爵

酌酌者將司宮設席于東序西面主人東楹

東北面拜受爵尸西楹西北面荅拜主婦薦

韭菹醢坐奠于筵前菹在北方婦贊者執二

邊饗蕢主婦不興受設饗于菹西北蕢在饗

西主人升筵自北方主婦入于房設邊于菹西北亦辟

鉶今文長賓設羊俎于豆西主人坐左執爵

祭豆邊如侑之祭與左執爵右取肺坐祭之

祭酒興次賓羞匕涪如尸禮席末坐啐酒執
爵以興司馬羞羊肉涪縮執俎主人坐奠爵
于左興受肺坐絕祭躋之興反加于涪俎司
馬縮奠涪俎于羊俎西乃載之卒載縮執虛
俎以降奠爵于左者神惠變於常也言受肺者明有授言虛俎者羊涪俎訖於此
虛不復用主人坐取爵以興次賓羞燔主人受如
尸禮主人降筵自北方北面于阼階上坐卒
爵執爵以興坐奠爵拜執爵以興尸西楹西

荅拜主人坐奠爵于東序南不降奠爵於侑

升尸侑皆北面于西楹西見主人不反位主

人北面于東楹東再拜崇酒崇充也拜謝尸

尸侑皆荅再拜主人及尸侑皆升就筵司官

取爵于筐以授婦贊者于房東以授主婦房東

房戶外主婦洗于房中出實爵尊南西面拜

獻尸尸拜于筵上受尊南西面主婦西面于

主人之席北拜送爵入于房取一羊釧坐奠

于韭菹西主婦贊者執豕鉶以從主婦不與

受設于羊鉶之西與入于房取糗與服脩執

以出坐設之糗在蕢西脩在白西與立于主

人席北西面飲酒而有鉶者祭之餘鉶無黍稷殺也糗糗餌也服脩擣肉之

脯今文尸坐左執爵祭糗脩同祭于豆祭以

羊鉶之柶挹羊鉶遂以挹豕鉶祭于豆祭祭

酒次賓羞豕匕湑如羊匕湑之禮尸坐啐酒

左執爵嘗上鉶執爵以興坐奠爵拜主婦荅

拜執爵以興司士羞豕胾尸坐奠爵興受如
 羊肉涪之禮坐取爵興次賓羞豕燔尸左執
 爵受燔如羊燔之禮坐卒爵拜主婦荅拜受
 爵酌獻侑侑拜受爵主婦主人之北西面荅
 拜酌獻者主婦主婦羞糗脩坐奠糗于饗南
今文無西面脩在蕢南侑坐左執爵取糗脩兼祭于豆祭
 司士縮執豕胾以升侑興取肺坐祭之司士
 縮奠豕胾于羊俎之東載于羊俎卒乃縮執

俎以降侑興

豕膏無涪於侑禮殺

次賓羞豕燔侑受如

尸禮坐卒爵拜主婦荅拜受爵酌以致于主

人主人筵上拜受爵主婦北面于阼階上荅

拜

主婦易位拜于阼階上辟併敬

主婦設二鉶與糗脩如尸

禮主人其祭糗脩祭鉶祭酒受豕匕涪拜啐

酒皆如尸禮嘗鉶不拜

主人如尸禮尊也其異者不告旨

其

受豕膏受豕燔亦如尸禮坐卒爵拜主婦北

面荅拜受爵尸降筵受主婦爵以降

將酢主婦

人降侑降主婦入于房主人立于洗東北西

面侑東面于西階西南俟尸尸易爵于篚盥

洗爵易爵者男女不相襲爵主人揖尸侑將主人升尸

升自西階侑從主人北面立于東楹東侑西

楹西北面立俟尸尸酌主婦出于房西面拜

受爵尸北面于侑東荅拜主婦入于房司宮

設席于房中南面主婦立于席西設席者主婦尊今文

曰南面立婦贊者薦韭菹醢坐奠于筵前菹於席西

在西方婦人贊者執饗蕢以授婦贊者婦贊

者不興受設饗于菹西蕢在饗南婦人贊者宗婦之少

者主婦升筵司馬設羊俎于豆南主婦坐左

執爵右取菹揆于醢祭于豆間又取饗蕢兼

祭于豆祭主婦奠爵興取肺坐絕祭噉之興

加于俎坐挽手祭酒啐酒挽手者于悅悅佩巾內則曰婦人亦

左佩紛悅古次賓羞羊燔主婦興受燔如主

文悅作說人之禮主婦執爵以出于房西面于主人席

北立卒爵執爵拜尸西楹西北面答拜主婦

入立于房尸主人及侑皆就筵出房立卒爵宜鄉尊不坐

者變於主人也執上賓洗爵以升酌獻尸尸爵拜變於男子也

拜受爵賓西楹西北面拜送爵尸奠爵于薦

左賓降上賓賓長也謂之上賓以將獻主人異之或謂之長賓奠爵爵止也

降洗解尸侑降主人奠爵于篚辭尸對卒洗

揖尸升侑不升侑不升尸禮主人實解酬尸益殺不從

東楹東北面坐奠爵拜尸西楹西北面答拜

坐祭遂飲卒爵拜尸荅拜降洗尸降辭主人

奠爵于篚對卒洗主人升尸升主人實解尸

拜受爵主人反位荅拜尸北面坐奠爵于薦

左降洗者尸侑主人皆升筵乃羞宰夫羞房

中之羞于尸侑主人主婦皆右之司士羞庶

羞于尸侑主人主婦皆左之二羞所以盡歡

籩則糗餌粉餈其豆則醢食糝食庶羞羊臠

豕臠皆有載醢房中之羞內羞也內羞在右
陰也庶羞主人降南面拜衆賓于門東三拜

儀禮卷三十一
三十一

衆賓門東北面皆荅壹拜

拜于門東明少南就之也言三拜者

衆賓賤旅之也衆賓一拜賤也卿大夫主人尊賓賤純臣也位在門東古文壹為一

洗爵長賓辭主人奠爵于筐與對卒洗升酌

獻賓于西階上長賓升拜受爵主人在其右

北面荅拜宰夫自東房薦脯醢醢在西司士

設俎于豆北羊骼一膋一胃一切肺一膚一

羊骼羊左骼上賓一體賤也薦與設俎者既則俟于西序端古文骼為骼賓坐左

執爵右取肺揆于醢祭之執爵與取肺坐祭

之祭酒遂飲卒爵執以興坐奠爵拜執爵以

興主人荅拜受爵賓坐取祭以降西面坐委

于西階西南成祭於上尊賓也取祭以降反下位也反下位而在西階西南

已獻尊之祭脯肺宰夫執薦以從設于祭東司士執

俎以從設于薦東衆賓長升拜受爵主人荅

拜坐祭立飲卒爵不拜既爵既盡也長賓升者以次第升受

獻言衆賓長拜宰夫贊主人酌若是以辯主人

則其餘不拜每獻一人奠空爵于楹宰夫酌授辯受爵其

薦脯醢與胥設于其位其位繼上賓而南皆

東面其胥體儀也

徧獻乃薦略之亦宰夫薦司士胥用儀者尊體盡儀

度餘骨可用而用之尊者用尊體卑者用卑體而已亦有切肺膚今文儀皆作臠或為議

乃升長賓主人酌酢于長賓西階上北面賓

在左

主人酌自酢序賓意賓卑不敢酢

主人坐奠爵拜執爵

以興賓荅拜坐祭遂飲卒爵執爵以興坐奠

爵拜賓荅拜賓降

降反位

宰夫洗解以升主人

受酌降酬長賓于西階南北面賓在左主人

坐奠爵拜賓荅拜坐祭遂飲卒爵拜賓荅拜

宰夫授主人解則受其虛主人洗賓辭主人

坐奠爵于篚對卒洗升酌降復位賓拜受爵

主人拜送爵賓西面坐奠爵于薦左主人洗

升酌獻兄弟于阼階上兄弟之長升拜受爵

主人在其右荅拜坐祭立飲不拜既爵皆若

是以辭兄弟長幼立飲賤不別大夫之賓尊

來不以辭受爵其位在洗東西面北上升受

爵其薦胥設于其位亦辯獻乃薦既云辯矣復言升受爵者為衆兄

弟言也衆兄弟升不拜受爵先著其位於上乃後云薦胥設於其位明位初在是也位不

繼於主人而云洗東卑不其先生之胥折胥

統於尊此薦胥皆使私人一膚一先生長兄弟折其衆儀也主人洗獻

內賓于房中南面拜受爵主人南面于其右

答拜內賓姑姊妹及宗婦獻于主婦之席東

於其右主人坐祭立飲不拜既爵若是以辯

亦有薦胥亦設薦胥於其位特牲饋食禮記曰內賓立于房中西墉下東面南

上宗婦北堂主人降洗升獻私人于阼階上

拜于下升受主人荅其長拜乃降坐祭立飲

不拜既爵若是以辯宰夫贊主人酌主人於

其羣私人不荅拜其位繼兄弟之南亦北上

亦有薦胥私人家臣已所自謁除也大夫言私人明不純臣也士言私臣明有

君之道北上不敢專其位亦有薦胥初亦北

面在衆賓之後爾言繼者以爵既獻為文凡

獻位主人就筵古文曰尸作三獻之爵上賓

爵不言三獻作之者賓司士羞涪魚縮執俎

以升尸取膶祭祭之祭酒卒爵

不羞魚七湑略小味也羊

有正俎羞七湑肉湑豕無正俎魚無七湑隆汚之殺

司士縮奠俎于羊

俎南橫載于羊俎卒乃縮執俎以降尸奠爵

拜三獻北面荅拜受爵酌獻侑侑拜受三獻

北面荅拜司馬羞湑魚一如尸禮卒爵拜三

獻荅拜受爵司馬羞湑魚變於尸酌致主人主人拜受

爵三獻東楹東北面荅拜賓拜於東楹東以主人拜受於席就

之司士羞一湑魚如尸禮卒爵拜三獻荅拜

受爵尸降筵受三獻爵酌以酢之

既致主人尸乃酢之

遂賓

三獻西楹西北面拜受爵尸在其右以

授之尸升筵南面荅拜坐祭遂飲卒爵拜尸

荅拜執爵以降實于篚二人洗觶升實爵西

楹西北面東上坐奠爵拜執爵以興尸侑荅

拜坐祭遂飲卒爵執爵以興坐奠爵拜尸侑

荅拜皆降

三獻而禮小成使二人舉爵序殷勤於尸侑

洗升酌反

位尸侑皆拜受爵舉觶者皆拜送侑奠觶于

右奠于右者不舉也神尸遂執觶以與北面

于阼階上酬主人主人在右尸拜於阼階上酬禮殺坐

奠爵拜主人荅拜不祭立飲卒爵不拜既爵

酌就于阼階上酬主人言就者主人立待之主人拜受

爵尸拜送急酬不奠者尸就筵主人以酬侑于

西楹西侑在左坐奠爵拜執爵與侑荅拜不

祭立飲卒爵不拜既爵酌復位侑拜受主人

拜送言酌復位明主人復筵乃升長賓侑酬

授於西階上

之如主人之禮

遂旅也言升長

至于眾賓遂

及兄弟亦如之皆飲于上

上西階上

遂及私人拜

受者升受下飲

私人之長拜於下

升卒爵升

酌以之其位相酬

辭其位兄弟南位亦拜卒

飲者實爵于篚

未受酬者雖無所旅猶飲

乃羞庶羞于賓

兄弟內賓及私人

無房中之羞賤也此羞同

主婦舉酬於內

兄弟之後生者舉觶于其長

賓遂及宗婦

後生年少也古文解皆為

洗升酌降北面立

于阼階南長在左坐奠爵拜執爵以興長荅

拜長在左坐祭遂飲卒爵執爵以興坐奠爵

拜執爵以興長荅拜洗升酌降長拜受于其

位舉爵者東面荅拜爵上拜受荅拜不比面

言奠兄弟言止互賓長獻于尸如初無湑爵

不止如初如其獻侑酌致主人受尸酢也無

加爵大夫尊者也不賓一人舉爵于尸如初亦

遂之於下一人次賓長者如初如二人洗解

下至于私人是言亦遂之干下賓及兄弟交言上無潛爵不止互相發明

錯其酬皆遂及私人爵無筭筭數也長賓取

長兄弟取解酬賓之黨唯已所欲無有次第之數也尸出侑從主人送

于廟門之外拜尸不顧拜送拜侑與長賓亦

如之眾賓從從者不拜送也司士歸尸侑之俎尸侑尊送

其主人退反於寢也有司徹徹堂上下之薦俎也

不若不賓尸不賓尸謂下大夫也其牲物則

徹夫有疾病攝昆弟祭曾子問曰攝主不厭祭不旅不假不綏祭不配布奠于賓賓奠而不

舉而此備有則祝侑亦如之謂尸七尸食八

似失之矣乃盛俎臠臂肫脰脊橫脊短脅代脅皆牢者盛

盛於所俎也此七體羊豕其脊脅皆取一骨也與所舉正脊幹骼凡十矣肩未舉既舉而

俎猶有魚七盛半也魚十有五而俎其一已

六體焉舉必盛半者魚無足翼於牲象

脊脅而巳腊辯無髀亦盛半也所盛者右體也脊

文辭作脾嫌有之古卒盛乃舉牢肩尸受振祭嘑之佐

食受加于所已佐食取一俎于堂下以入奠

于羊俎東不言魚俎乃撫于魚腊俎俎釋三

東主于尊

个其餘皆取之實于一俎以出

个猶枚也魚摝四枚腊摝

五枚其所釋者腊則短脅正脅代脅魚三枚而已古文摝為搯祝主人之魚

腊取于是

祝主人主婦俎之魚腊取於此者大夫之禮文待神餘也三者各取

一魚其腊主人臂主婦臠祝則骼也與此皆於鼎側更載焉不言主婦未聞尸不

飯告飽主人拜侑不言尸又三飯

凡十三飯士九飯大

夫十一飯其餘有十三飯十五飯

佐食受牢舉如儻舉肺主脊

人洗酌醕尸賓羞肝皆如儻禮卒爵主人拜

祝受尸爵尸荅拜祝酌授尸尸以醋主人亦

如儻其綏祭其嘏亦如儻作肝牢肝也綏皆當

墮之墮古其獻祝與二佐食其位其薦胥皆文為揆

如儻主婦其洗獻于尸亦如儻自尸侑不飯

儻同者主婦反取籩于房中執棗糗坐設之在上篇

棗在稷南糗在棗南婦贊者執栗脯主婦不

與受設之栗在糗東脯在棗東主婦與反位

棗饋食之籩糗羞籩之實雜用之下賓尸也

栗脯加籩之實也反位反主人之北拜送爵
位尸左執爵取棗糗祝取栗脯以授尸尸兼

祭于豆祭祭酒啐酒次賓羞牢燔用俎鹽在

右尸兼取燔換于鹽振祭濟之祝受加于所

卒爵主婦拜祝受尸爵尸荅拜自主婦反還至受加于所

此異于賓祝易爵洗酌授尸尸以醋主婦主婦主

人之北拜受爵尸荅拜主婦反位又拜上佐

食綏祭如饋卒爵拜尸荅拜主婦夾爵拜為不賓尸降崇敬

今文酢主婦獻祝其酌如饋拜坐受爵主婦

曰酌主人之北荅拜自尸卒爵至此亦與賓同者亦在上篇宰夫薦

棗糗坐設棗于菹西糗在棗南祝左執爵取

棗糗祭于豆祭祭酒啐酒次賓羞燔如尸禮

卒爵內子不薦籩祝賤使官可也自主人受

爵酌獻二佐食亦如賓主婦受爵以入于房

賓長洗爵獻于尸尸拜受賓尸西北面荅拜

爵止尸止爵者以三獻禮成欲神惠主婦洗

于房中酌致于主人主人拜受主婦尸西北

面拜送爵司官設席拜受乃設席主婦薦韭

菹醢坐設于席前菹在北方婦贊者執棗糗

以從主婦不與受設棗于菹北糗在棗西佐

食設俎臂脊脅肺皆牢膚三魚一腊臂臂左臂也

特牲五體此三者以其牢與腊臂而七牢腊俱臂亦所謂腊如牲體主人左執

爵右取菹換于醢祭于豆間遂祭籩奠爵與

取牢肺坐絕祭濟之興加于俎坐扞手祭酒

執爵以興坐卒爵拜無從者變於士也主婦

荅拜受爵酌以醋戶內北面拜自酢不主人

荅拜卒爵拜主人荅拜主婦以爵入于房尸

作止爵祭酒卒爵賓拜祝受爵尸荅拜作止爵乃

祭酒亦變於士自爵止祝酌授尸賓拜受爵至作止爵亦異於賓

尸拜送坐祭遂飲卒爵拜尸荅拜獻祝及二

佐食洗致爵于主人洗致爵者以承主人席

上拜受爵賓北面荅拜坐祭遂飲卒爵拜賓

荅拜受爵酌致爵于主婦主婦北面堂司宮設

席東面北堂中房以北東面者變於士妻賓尸不變者賓尸禮異矣内子東面則

宗婦南面西上內主婦席北東面拜受爵賓

賓自若東面南上西面答拜席北東面婦贊者薦韭菹醢菹在

南方婦人贊者執棗糗授婦贊者婦贊者不

與受設棗于菹南糗在棗東婦人贊者宗婦

曰婦也贊者執棗糗授婦贊者不與受佐食設俎于豆東羊臠

豕折羊脊脅祭肺一膚一魚一腊臠豕折豕

不言所折略之特性主婦敲折豕無脊脅下主人羊豕四體與腊臠而五主婦升

筵坐左執爵右取菹換于醢祭之祭籩奠爵

興取肺坐絕祭齊之興加于俎坐挽手祭酒

執爵與筵北東面立卒爵拜立飲拜既爵者變於大夫賓

荅拜賓受爵易爵于筐洗酌醋于主人戶西

北面拜主人荅拜卒爵拜主人荅拜賓以爵

降奠于筐自賓及二佐食至此亦異於賓乃羞宰夫羞房中

之羞司士羞庶羞于尸祝主人主婦內羞在

右庶羞在左主人降拜衆賓洗獻衆賓其薦

香其位其酬醋皆如儻禮主人洗獻兄弟與

內賓與私人皆如儼禮其位其薦胥皆如儼

禮卒乃羞于賓兄弟內賓及私人辯自乃羞至私人

之薦胥此亦與儼同者在此篇不儼尸則祝猶侑耳卒已也乃羞者羞庶羞賓長

獻于尸尸醋獻祝致醋賓以爵降實于筐致謂

致爵于主人主婦不言如初者爵不止又不及佐食賓兄弟交錯其酬

無筭爵此亦與儼同利洗爵獻于尸尸醋獻

祝祝受祭酒啐酒奠之利獻不及主人殺主也此亦異於賓

人出立于阼階上西面祝出立于西階上東

面祝告于主人曰利成祝入主人降立于阼

階東西面尸謖祀前尸從遂出于廟門祝反

復位于室中祝命佐食徹尸俎佐食乃出尸

俎于廟門外有司受歸之徹作薦俎自主人出至此

與賓雜者也先養徹主人薦俎者變于士乃

特牲饋食禮曰徹作俎豆邊設于東序下

養如饋謂上篇自司宮設對席至卒養有司

官徹饋饌于室中西北隅南面如饋之設右

几扉用席官徹饋者司馬司士舉俎宰夫取

敦及豆比於尸謖改饌當室之白

孝子不知神之所在庶其饗之於此所以為
厭飫不令婦人改徹饌敦豆變於始也尚使
官也佐食不舉羊豕俎親餼尊納一尊于室
也非隱也古文右作侑非作弗納一尊于室
中陽厭殺司宮埽祭埽豆間之祭舊說主人
無玄酒

出立于阼階上西面祝執其俎以出立于西

階上東面司宮闔牖戶閉牖與戶為鬼祝告

利成乃執俎以出于廟門外有司受歸之衆

賓出主人拜送于廟門外乃反拜送賓者亦

言長賓者下大婦人乃徹徹祝之薦及房中
夫無尊賓也薦俎不使有司者

下上大徹室中之饌有司饌之婦人徹
夫之禮之外內相兼禮殺

儀禮卷第十七

經四千七百九十字
注三千四百五十六字

開化圖書館

Kaishua library

開化圖書館

Kaishua library

考

開化圖書館

Wakhuwa library

開化圖書館

Kaishwa library

Blue Cyan Green Yellow Red Magenta White 3/Color

TIFFEN Color Control Patches © The Tiffen Company, 2007

Centimetres


Inches

儀

禮

五

開化圖書館
Kashua Library



開化圖書

Kaishwa Library



Inches 1 2 3 4 5 6 7

Centimetres 1 2 3 4 5 6 7 8 9 10 11 12 13 14 15 16 17

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color